

Jarqo'rg'on tumanida baliqchilikni rivojlantirish loyihalari ijrosi muhokama qilindi



Jarqo'rg'on tumanida baliqchilikni rivojlantirish, yangi ish o'rinlari yaratish maqsadida umumiy qiymati 19,3 mlrd so'm bo'lgan jami 9 ta loyiha amalga oshirilishi rejalashtirilgan. Natijada joriy yilning o'zida 360 gektar tabiiy va sun'iy suv havzalari tashkil etish, qo'shimcha 1,1 ming tonna baliq yetishtirish, 60 ta yangi ish o'rinlari yaratish maqsad qilingan.

Bugun viloyat hokimi Ulug'bek Qosimov Jarqo'rg'on tumani "Jayraxona" hududidagi ko'p tarmoqli "Akmal" fermer xo'jaligining 4 gektar maydonda tashkil etilayotgan baliqchilik loyihasi bilan tanishdi. Shu yerning o'zida tumanda baliqchilik loyihalarining amalga oshirilishi ahvoli, ulardagi mavjud muammolar mas'ullar va tadbirkorlar ishtirokida muhokama qilindi.

Har bir loyihani amalga oshirilishi bilan bog'liq muammolarni puxta o'rganib chiqish, hal etish, loyihalarning belgilangan muddatda, to'liq quvvatda ishga tushirilishini doimiy monitoring qilib borish bo'yicha chora-tadbirlar belgilab berildi.

[Surxondaryo viloyati hokimligi Matbuot xizmati](#)